



Aishkatsh Tshishe-Utshimautsh utapuehtatishunuau tanite piapalnanuatsh !

Nana 31 uiniskupishim^u eukuan tshishtapanipanitsh kamishta-apatitsh e natapishtatinanuatsht kauaihtakanitsh tshe mashinatahutishutau nelua tshishe-utshimauatsht utapuetatishunuau anitshenatsh uiluau Ilnuatsht Essipit, Pekuakamiulnuatsht mahk Ilnuatsht anite Nutashkuan ashitsh nelua tshishe-utshimaua Canada mahk Québec.

At eka uetsh utitahikanitsh tshishtishtapanitakanitsh nana 31 uiniskupishim^u 2017 kamashinaikanashtakanitsh tshishe-utshimauatsht utapuetatishunuau, eshpish tshimishta-atusseshtakanitsh anite e natapishtuakanitsh ekue tshipeikuan mishta-nikanipalinanuatsht atusseun taht pishimua ishpish e atusseshtakanitsh. Ume ishpalipanitsh, takuana passe eka ishpish apatitsh tshekuana eka uetsh tshinishtutatinanuatsht usham nuhtepalipanitsh tipahikan ek^u kutaka kamishta-apatitsh tshekuana shash ashtinite itatina tshe ui tshishtapalitakanitsh e nishtutatinanuatsht.

Nana 31 uiniskupishim^u, shash uiesh nisht^u utsh neu (3/4) anite etatinahk e tipanakanitsh mashinaikan tshishe-utshimauatsht utapuetatishunuau tshishtishtapanitapanitsh anite kanatapishtatinanuatsht ek^u nehi eka katshishtakanitsh, shash mishta-nikanipalinanu e mashinaikanashtakanitsh ek^u kutak^u passe shash tshekatsht tshishtakanua.

Uetsh e mishta-nikanipalinanuatsht e atusseshtakanitsh usham kassinu kanatapihtatishuta ushkuishtatishuatsh e ui nishtutahtitsh. Pate, anitshenatsh uiluau Regroupement Petapan, utsh 1 shiship-pishim^u 2016 luash uiniskupishim^u 2017, 44 ishpish tahtuau natapishtatupanitsh ishpitelitakanilu uiesh 90 tahtulnu-tshishikua e natshishkatinanuatsht, e atshimakanitsh kamamu atusseshtika mahk kutakatsht kaitshi-atussemutuatsh e tat anite natapishtatinuatsht.

Eshpish nikanipalinanuatsht ume utanatsh pishimua kie eshpish nikanipalitsh e mashinaikanashtakanitsh mashinaikan tshishe-utshimauatsht utapuetatishunuau ute nana 31 uiniskupishim^u, e nishtuta takuhika-na katata anite Regroupement Petapan uihtamupanitsh eshk e tapuetatishuta shiaputuepalitsh e natapishtatinanuatsht. Natuelitamuepanitsh nelua ka atusseshtamilitsh e natapishtatunanuatsht kata-nutsh anite Regroupement Petapan shuku uipatsht milakanita nelu mashinaikanilu.

Umelu aishkatsh taht pishumua Regroupement Petapan tshika ushkuishtamuatsh e atusseshtakau tshishtishtapalitatau e mashinaikanashtakanitsh tshishe-utshimauatsht utapuetatishunuau, e nishtuta Peikuitsh kaishilniuta e uitshi-atussemititsh. Ui tshishtapalitauatsh umelu tshe takuatshinilitsh.

Tshishtisselitamek^u, nelu aishkatsh tshishe-utshimauatsht utapuetatishunuau, eka mishkutshipalitakanitsh tshekuan, ushkatsh aimun tshika takuan mahk 23 tahtuau tshika itatuna e tipanakanitsh, ne uil nene En-tente de principe d'ordre général kamashinatuhutishunanuatsht nana 2004 kaitashtetsh pipun 19 tahtuau itatinupanitsh e tipanakanitsh.

Eukuan umehi iashi-takuatsh 23 e tipanakanitsh :

<ul style="list-style-type: none"> • Eshi-uihtamatshematiksh • Tshe ishi-nashekanitsh • Aianishkatsh kanuelitashun mahk ilnu-aitun • Eshi-pimuhtanuatsch anite assihtsh • Ilnu-aitun • Tshishtin nashemuatsch tshe tat Peikuitsh ka ishlniuta • Eshi-takuatsh uashka e tanuatsh 	<ul style="list-style-type: none"> • Tshishe-utshimau tipelimitishun • E takuhimatakanitsh kuishkushiun • E nishtutatinanuatsh shuliatatsh • Shuliau e uitshi-takuhimatinanuatsch • Shuliatatsh • E uluipalitanitsh atusseun • E tshiuenamatschanuatsh shuliau • E kussanuatsch 	<ul style="list-style-type: none"> • Pileshishatsh kapamipalita • Kanatuelitakanitsh assia • Auen uetinakanit mahk • mashinatahutishun • Eshi-pimuhtanuatsch eka milupalitsh • Nashekanu tshishe-utshimauatsch • utapuetatishunuau • Ueueshi-tshitapahtakanu mahk • ueueshtakanu tshishe-utshimauatsch • utapuetatishunuau • Tshe ishi-pimuhtanuatsch • tapuetatishunanuatsch tshishe-utshimauatsch • utapuetatishunuau • Tshe ishi-nashekanitsh uelapissish
--	---	--

Kassinu mamu tshinishtutatinanuatsh nutim e mashinaikanashtetsh tshishe-utshimauatsch utapuetatishunuau, Regroupement Petapan ushkatsch tshika natshi-natshishkueu ilnutshimaua minuatsch e nishtuta ilnu-takuhikana tshiuuihtamuatau iatashtelitsh anite. Ek^u minuatsch tshe natau-tshisselimakanitsh ilnuatsch itelitakau iashi-uuihtakanilitsh, kie kassinu auen tshika tshitshitapahtamu. Mitschet taht pishimua tshika tanu e natau-tshisselimakanita ilnuatsch kie mishkutsh katakühimatsheta tshika ishpishiuatsch tshitshisselimata utilnimuau itelitakau eshk^u eka minatsh nikan kanatapilitsh e natshishkatinanuatsch e talitsh anite Regroupement Petapan tshimashnatuhutishulitsh nelu mashinai-kanilu.

Tshimashinatuhutishitau e nishtuta kanatapihtsh anite natapishtatinanuatsch, eukuan patush tshe tshishtapalitanitsh ne mashinaikan kie eukuanilu nelu e nishtuta (3) Peikuitsh ka ishlniuta tshe tshisselitaka tiapuetakanikue tshimashinatuhutishunanuatsch ne kaishi-nishtutatinanuatsh. Eshk^u eka mashinatuhuti-shunanuatsch tshika mishta-milu-uuihtamuakanuatsh ilnuatsch tshiuutishikutau nemelu natshi-mashinatuhutishutau kie tshinishtutatishuatsh eishi-uuihtakanilitsh anite mashinaikanihtsh.

Tshe ishi-pimuhtanuatsch e tshisselitamuakanita ilnuatsch luash neume tshe mashinatuhutishunanuatsch tshika milu-uuihtakanu neume minuatsch uluipalitatsh nimashinaikanan peshinakuatsch tshe nipitsh.

Mashtel auen tshe pashtinak utaimun tiapuetamuhkue kie ma eka tiapuetamuhkue mashinaikanilu tshishe-utshimauatsch utapuetatishunuau uiluau e nishtuta Peikuitsh ka ishlniuta tshika pashtina-muatsh utaimunuau, kie apu tshikutsh tshikueshte aitanuatsch!

Shash mishta-peshinakuan tshe milupalitsh tshishe-utshimauatsch utapuetatishunuau!

